

清江貝先生集

清江貝先生集

四部叢刊集部

上海涵芬樓借烏程
許氏藏明初刊本景
印原書板匡高營造
尺六寸八分寬四寸
二分

洪武板清江公全集卅十卷沐溥甚少惟見王西莊光祿袁壽階外
甥有藏本嘉慶戊辰以白金二十兩向同鄉黃美園主事易得黃
係得之桐鄉金氏文瑞樓有朱印可證金星軺于康熙五十八年舊
重刻公廉序云始得先生清江集卅卷又借得鈔本卅十卷次第校
刻想重刻時尚未得洪武板也又云先生集鐫板萬歷間見者絕少
據此則萬歷時又有刻本也予未之見又唐孫華序云清江集二十
卷盛行于吾歲久板刻散佚學者罕見全本據此又有二十卷之刻
本亦未見皆當訪求之友人海鹽吳思亭續疑年錄云先生卒卅十
八始領鄉薦張士誠據吳累徵不就計其生年當在元延祐卅五年
間壩好搜求先立文獻二十年来所得十餘種以此集爲最佳公之
子紀善公有春雨軒集訪之十餘年無從購覓附記于此他日當一

一往嘉禾求之也道光丁亥伏日貝壩謹跋
 康內有葉氏藏書朱文方印係明葉文莊公盛策竹堂藏書之印又
 蓮涇朱文方印太原州子藏書記白文長印係康熙時吳中王聞遠
 孝慈堂藏書之印卷後有南陽州子苞印白文方印二泉朱文方印
 無考丁亥殊七月卯日暑退涼生靜坐千墨庵書此見白壩謹誌



貝瓊字廷臣又名闢一字廷珪嘉興崇德人祖謙宋太學正舍選
不仕瓊少穎悟元末隱受山博通經史善詩古文平卯十八始領元
鄉薦張士誠據姑蘇累徵不就洪武初舉明經三年詔脩元史五年
授主浙省卯平召入為國子助教八年遷中覩國子學助教二功臣
子第十年致仕朱竹垞傳言十一年九月致仕明年卒于家所著有清江詩集十卷文集
三十卷行世芥邑之語兒鄉子翺楚府紀善翻龍督府經歷翔國子
學錄


右節錄諸書小傳于清江公集之卷端時道光初元歲在辛巳
孟陬月下旬出三日平江貝壖既勤氏敬書



貝助教文集序

吾友貝廷臣先生有子曰翱以文學選為

楚府紀善積其祿入之餘彙梓其父所為詩若文為若干卷以余與其父友也不遠四千里致書請余言以弁其首簡先生辱與余交寡久雖不敢自謂知先生而翱之意可尚何可以不敏辭哉晉



在元季文章鉅家如虞揭歐黃相繼物
故而宣城貢公泰甫河東張公仲舉臨
川危公太樸新安程公以文四三君子
者亦各以宏才碩學居朝廷製作之任
聯芳而繼響時會稽楊公廉夫以名進
士屏居吳淞江之上嘯傲烟月亦以詩
文自豪有凌轢古今磅礴宇宙之意殆
若不以臺閭為泰江湖為戚者一時及

門之士類皆英邁不羈而耻規規於繩
墨之末先生蓋其傑然者焉先生天資
夙出輩流其所居邑為淞以西望取科
第領鄉薦者前後相繼邑之人父教其
子兄授其弟惟塲屋之文是務先生獨
曰此有式之文也為之不難乃取經史
百氏暨大家集博覽強記漸漬儲蓄發
而為文以追古作者其言引物連類奇

論層出濡筆伸紙千數百言立就每一
篇出輒為揚公歎伏於是聲譽大起而
貝氏之文章遂擅名於一時矣余評其
文馳驟奇崛如長風駕濤銀山鐵壁澎
湃疊至龜鼉蛟龍百怪出沒而金支翠
旂焜耀前後何其才之贍而氣之雄也
惜其盛年遭時不偶浮湛田里之間山
林之下念有所屬六時吐出胸中之奇

以泄其無聊不平之思及值維新之
朝起自布衣預修元史預考鄉試旋擢
國子助教改助教

中京幸已嚮用會

國家方育材興治第所居官以訓迪為
職業而長篇短章亦不過應四方知己
之請而所以敷張神藻潤飭鴻業以鳴
國家太平之盛者則亦未見其有數數

然者烏雖然言之不文則其傳也不遠
余見前輩以著作名家焦心勞思於佔
畢之下其言未必不可傳也而卒至於
埋沒無聞者良以為之後者不能繼夫
前人之志故也先生之文固足傳諸遠
矣然亦幸甚有子故雖不獲收大用之
效於前亦奚憾哉先生諱瓊廷臣其字
也世居嘉興之崇德學者稱之曰清江

先生云杭州府儒學教授天台徐一夔
序

。文章追古作。

我於前
後書文
法既成
新書
八言
全一

清江貝先生文集目錄

卷之一



海昌集

土偶對

遊山記

吳越兩山亭記

方寸地記

貞素堂記

遊山記

迂隱菴記

味菜窩記

乾坤清氣序

送兩浙轉運司副使分司西路歸武林序

卷之二

雲間集

設漁樵對

霜林說

壺齋說

謙恒二子說

鐵崖先生傳

古泉先生傳

愚癡道人傳

樗隱先生傳

林泉民傳

卷之三

雲間集

馬孝子傳

澹泊齋銘

君子堂銘

用拙齋銘

跋蟬雀圖後

跋胡季誠沂州事後

書擊壤生詩卷後

跋胡季誠南征詩後